

DISCOVER

(Bible Ralchhan)

Zirlai - 10
Isua A Lo Kal Thuai Ang Em?

Kum 1978 khân damdawi mak tak mai mihringte dam chin a lêt hniha tirei thei hmuh chhuah a ni.

Kum 1980 khân motor chhûnglam kâng khu thei chu America khaw lian zawng zawngah chuan

an khap vek a. Kum 1981 chuan Montana chu America rama hremna lian tham awm theihna State hmasa ber a ni. Misual lung in tâng tûra tihthlûk zawng zawngte chu he mi hmunah hian an thawn thîn.

Kum 1983, February leh May thla inkâr khan St. Louis State-a hmeichhia zawng zawng sam a tlakawlh vek bawk a ni. Hêng thil thleng chhinchhiah tlâk takte zînga mi pumpelh i nei em?

Nei mai thei. Hêng thilte hi a thleng tlat lo va. Amaherawhchu, tam takte hi chu rilru hre mite hian an hrilhlâwk fuh tlat a ni. Kan zînga mi tam ber hian kan nakin hun hriat min châktîr sauhtu kan nei a. Hmuh phâk lovah engnge awm tih hriat kan châk a, mahse chungte dik taka hrilh lâwk chu a har êm êm a ni. Naktûka khaw chin sawi lâwk pawh har kan ti a ni.

Mi pakhat, a hrilhlâwk nate dik êm êm a awm a. A thute hmangin Isua Krista hian nakin hunah min hruai thei a, Amah chu kaihruaitu rinawm a ni. He zir laiah hian a lo kal lehna tûr chanchin a sawite kan zir dawn a. Tih tak êmah chuan, khawvêl tâwpna chanchin hi atîra siamtu bâk tunge hre thei tûr awm ang?

1. KAN HUN LAIIN KRISTA A LOKAL LEH DAWN TIH CHHINCHHIAHNATE.

Isuan a zirtîrte hnênah kan khawvêlah hian a lo kal leh ang tih a sawi zawh khân eng zawhnate nge an zawh kha?

“Chung chu engtikah nge a lo awm ang? I lo kal lehna leh khawvêl tâwpna chhinchhiahna chu engnge ni ang? Min hrilh rawh, an ti a,” Mat. 24:3.

Isua chuan Chiang tak leh dik takin a chhâng a. Matthaia 24 leh Luka 21-ah hian amah ngeiin a lo kal hun a hnaihzia kan hriat theihna tûra chhinchhiahnate

min pe a. Bible hrilhlâwkrate pawhin chung thilte chu chhuichhuah dân leh Krista lo kîr leh hmâa khawvêl awmdân tûrte pawh kimchang takin min hrilh a ni. Hêng hrilhlâwkrate hi kan mithmuh ngeiah an thleng mêk a ni tih kan hmuhte hian kan hun lai ngei hian Krista chu leiah a lo kal ngei dân tih a tifah a ni.

Vân panna kawngpuia Bible hrilhlâwkna sâwmte hi en la, tunlai khualzin miin a chhiar a, a zawh âwmte chu i han chhût teh ang.

1-NA: THINLUNG NATNA! HLAUHNA! MANGANNA!

Mihringte hlimna tipung thei thiamna hmuh chhuah hun lai mah nise, chhûngkaw intihtâurâuna leh thenawm khawveng intihbuainain a tihrehawm hi engtin ngei i hrilhfiah ang? Kum 1900 aia tam kal taah khân, chung hun laia an nun hrilhlâwkna a hrilhfiah, tunlai hun atân pawh a tlai lam chanchinbua ziak âwm tak chanchinte chu heti hian a sawi a:

“Nîah te, thlâah te, arsiah te, chhinchhiahna a awm ang a; tuifinriat rûm leh a fâwn avângin leiah pawh hnamtin hrehawmna leh manganna a thleng ang; thlabar avâng leh khawvêla thil lo thleng tûr chu ngaihtuah avângin mite an thi dang ang; vân thiltihtheihnate chu a nghing dân si a. Chutih hunah chuan mihring Fapa hi thiltihtheihna leh ropuina nasa tak nêh chhûm zînga lo kal an hmu ang. Tin, chung thil chu a lo thlen tîrhin, en chho ula, dâkchhuak rawh u; in tlanna tûr chu a hnaih tâk avângin,” Luka 21:25-28.

Nuclear thiltihtheihna hun, kum reilote chhûnga rawn inñan hrilhfiahna âia dik zâwk chu “Thlabar avâng leh khawvêla thil lo thleng tûr chu ngaihtuah avângin mite chu an thi dang ang” tih hi a ni. Tun lai hun hi khawvêl pumpui

tichhe thei khawp hmanrua lâkkhâwm lo inṭanna chu a ni. Vawiina kan thlaphanna (hlauhthawna) chuan nimin lama mi chu a tinêp sawt a; Rawlrâla che ṭhînte hian nuclear thiltihtheihna hi kawl pheï sela chuan engtin nge ni ang le?

Engpawh nise, Isua chuan khawvêl chhe tak hnuaiyah pawh beiseina tûr min pe a. Khawvêl ram tina himlohna, rilru thlabârna leh chi-âinate hian Krista lo kalna chu a hnai a ni tih thu dik hi a nemnghet a ni.

Tunlai hian beidawna avângin mite chu an rum fo ṭhîn, “Enteh khawvêl awmdân te hi!” Amaherawh chu Bible hrilhlawkna zirtute chuan beisei takin, “Enteh, tunge kan khawvêlah hian lo kal ang?” tiin an sawi thei a ni.

2-NA-- KHAWVEL VANDUAINATE

Engtin nge leilunga chhiatna thlengte hi ni hnuhnûnga thil thlengte nen an inrem?

“Lir nasa takin a nghing a nghing ang a, hrite a lêng bawk ang a, vân aṭangin thil hlauhawmte leh chhinchhiaha nasa takte a lo awm ang. Chutiang bawkin nangni pawhin chung chu a lo thleng in hmuh hun chuan Pathian ram a lo hnâi tawh tih hria ang che u,” Luka 21:11, 31.



Ringlo mite chuan, “Engtin maw? Ṭâmte leh lirngingte chu an awm reng reng a ni lâwm ni?” an ti mai thei. Mahse ṭâm chungchâng hi ngaihtuah lawk teh, khawvêl a chhûnga mihring thlaah meuh thawn theiin a chhûnga mite a châwm zolo hi a mak hle lo maw? Ram tam tak ten an mamawh aia tam ei tûr thara a tihngaihna an hriat loh

laia naupang t̄am chh̄awl dul puar huar lem chanchinbua lo lang thei rengte hi engtizia nge ni le?

Isua chuan t̄amna chu a awm reng ang tih a hria, a chhan chu mihringte pianphung duh̄am v̄ang te, sork̄ar hlemhlet v̄ang te, leh r̄althuam hmanga inbeihnate an awm reng d̄awn av̄ang leh hun t̄awp lamah chuan mi an sual tawlh tawlh d̄awn av̄angin. H̄engte hi tun hnaia t̄amna tipunluntute chu an ni.

A nih leh lirnghingte ve thung hi? An pung z̄el tak tak em? Nge kimchang z̄awkin kan chh̄ut em? H̄eng lirnghing nasa, Richter Scale 7 leh a aia tamte hi chh̄ut ngun teh. Kum zabi s̄awm leh pakua ātang hian nasa taka a nghin bakah, lir hi engzat nge lo nghing tawh tih chu kan hre mai awm e. Amaherawh chu lirnghing ropui tham hi chu kum zabi s̄awm leh paruk hm̄a kha chuan an awm lova, kum zabi s̄awm leh pasarih chh̄ung phēi kha chuan an awm miah lo, s̄awm leh pariat chh̄ungin vawihnih an awm a, s̄awm leh pakaw chh̄ung phēi chuan vawikhat chauh a awm a ni. Kum zabi s̄awm leh pakaw chh̄ung a kum 75 chh̄ung kh̄an lirnghing nasa tham a ngaih vawi kua a awm a, hei hi a hma kum zabi s̄awm chh̄unga lirnghing l̄et hn̄ih a ni.

T̄un hun kan lo hn̄aih hian a tam ta tial tial a, kum 1975 ātanga 1978 chh̄ung hian nasa thama ngaih s̄awm a thleng a ni; chu chu kum thum lek chh̄ungin vawi s̄awm tihna a ni! Lirnghing v̄anga buaina chu Armenia, India, Mexico, San Francisco leh Los Angeles-ahte leh hmun dangah pawh sawisen a ni lo. H̄engte hian a v̄awrt̄awp an thleng t̄an ta; chuv̄angin, “Pathian ram chu a hn̄ai a ni.”

3-NA-- SUM CHHEKKHAWL

Hausakna chu mi t̄l̄em z̄awkte kutah chauh a awm a, mi tam z̄awkte chu retheihnaa an tlulut z̄el mai awmzia hi eng nge ni ta?

“Ni hnuhnûngah chuan hausakna (sum) chu in chhêkkhâwm a.” Jakoba 5:3 (NIV).

Kan ram hausakna haichhuah dân kan hriatnate, khawvêl khawthlang lamin kan thawhchhuah nasat chung pawh hian harsatna a lo awm a kan chia si zia te, mi hausate hausa tawlh tawlh a, mi retheite retheih tawlh tawlhna mai a ni. Kum 1900 chhovah phei hi chuan mi rothap pui puiin inthâpna hlawk leh hlauhawm tak tak car te lei khawla an hralh leh vakna ang te hi kan hmu a, chûngte chuan mi tam takte aţangin mi tlêmtê tân namên lova hausakna a siam a ni. Vaibelchhe tel dollar hausakna lo lam taka siam maite pawh hi Lalpa lo kalna chu a hnai ta (Châng 8) tih hriatna chu a ni a, khawvêl hi Krista lo kal lehna lamah chuan hman hmawh takin a kal mêk a ni.

4-NA-- MIPUI BUAINA

Engvângin nge thiamna sâng zâwk hmang leh hausakna chu miten an khawlkhâwm laia mi chhawrte zînga lungawi lohna leh buai siam châkna nasa taka a chhuah thîn?

“Ngai teh u, in lova buh ata inhlawhfâte hlawh, tihdera in pêk loh kha; a auva, âttute mangang au thâwm pawh chu mipuite Lalpa bengah a lo lut ta a. Nangni pawh chhel takin awm rawh u; in thinlung tinghet rawh u; Lalpa lo kalna chu a hnai tawh si a.” Jakoba 5:4, 8.

Kan hun laia hausakna teh phâkloh lo chhuakte hrilhlâwkin, Jakoba chuan hanathawktu lungawilote aţanga buaina lo chhuak tûr chu a hmu lâwk a. Nei leh nei lote inkâra inerna chu a so sâng zêl a. Khawvêla khaw ropui hnuai lamah te chuan dân pawisak lohna chhinchhiah duhawm lo takte chu an inzep a ni. Jakoba chuan chutiang rilrute chu “Lalpa lo kal hnaihzia chhinchhiahna a ni,” a ti.

5-NA--CHHIA LEH ̄THA HRIATNA TLAHNIAM

Engvangin nge khawtlâng nun phuartu zungzâm hi a chhiat tawh êm êm le?

"Hei hi hre rawh: Ni hnuhnûngahte chuan, hun khirh takte a lo awm ang. Mi, mahni in hmangaihtu te, tangka ngainatu te, intivei te, chapo te, Pathian sawichhetu te, nu leh pa thu awih lo te, lâwm nachâng hre lo te, thianghlimlo te, hmangaihna pianpui neilo te, huaikawm bâwl te, hêktu te, insûm thei lo te, mi kawlhse te, ̄tha duh hauh lo te, vervêk te, thuhnudâwn lo te, inngaihlu te, Pathian hmangaih aia mahni lâwmna mai hmangaihtute an ni zâwk dâwn si a. Misual leh tihdertute erawhchu mi bum leh buma awmin an sual zual deuh deuh vang." 2 Timothea 3:1-5, 13.

Hei aia kan khawvêl awmdan hrilhfiahna Chiang tâwk hi tunge hria? Tunlai chhanah, thlalâkna hi engti hawi pawhin hmet ta la, mi chapo leh sumngaina mi thlâ deuh vek i lâ ang. Naupang dawi thlêma pawngsual thla râpthlâk tak takte pawh i la ang. ̄Thalai chhiarsen loh, khuahkhirh theih loh i hmu ang a, naupang an tleirâwl er er laia an duh duh a tual that a, a ruaka awmtîr mai mai thla te pawh i la ang. Vawi tam tak hlimhlawp ngainatu, mahni lâwmzâwng umna chu thil hrisêl ̄tha leh nunphung pangngai ang a chhiar tum tlat i la cham chi bawk ang.

Khuahkhirh loh zalenna kan ngaihsân êm êmnate hian nihnuhnûng hun râpthlâk chu a rawn thlen a ni. Hêng zawng zawng te hian, kan hun lai ngei hian Isua chu a lokal leh thuai dâwn a ni, tih ring takin an puang chhuak a ni.

6-NA--RAURUIHNA DARH ZAU ZEL.

Engtizia nge tunlai sakhaw zalenna hnuaiah, miten thlarâu lam thuruk an hlut tak êm êm mai le?

“Chu Dân Bawhchhepa chu Setana chakna nê a lo kal ang a, thiltihtheihna tînrêng te, dâwt thilmak tînrêngte nê a lo thawk ang.” 2 Thesalonika 2:9.

“Krista derte leh zâwlnei derte an lo chhuak dâwn si a, chung chuan thei ang sela thlante meuh pawh an tihder theih nân chhinchhiahna leh thil ropui takte an ti ang.” Matthaia 24:24.

Hêng thute hian, hun tâwp lamah chuan Krista dodâltu chuan thilmak leh chhinchhiahnate, mihring chakna piah lama thil tihtheihnate hmangin hna a thawk dâwn a ni tih an lo sawi lâwk a ni. He thu hian thil chhui mitena kum za tam tak kal taa an lo hrilhlâwk nate chu tlang taka dodâlin, ngaihtuahna fîm tak chuan puithuna âthlâk tak hi a hneh a ni. Sakhuana kawnga thu dik tuâng chu Science hian a hneh tûr thute an sawi kan hria. Science chuan thlarau lam thil hi âwihawm loah a chantir loh vek leh, hmantlâkna nei tawh lovah a chhuah ang.

Kum zabi sâwmhnih leh pakhat kan thleng ta a, hetih lai hian engte nge kan hmuh chhuah tak? Mite chuan VCRs (Video Cassette Recorder) leh aienna card te chu an ring kawp thei ta mai a. Lehkathiam, thiamna sâng nei leh mi chungnungte pawh mi dang ang thova râu-ruï an ni zo ta. He thurûk rinna hi a bo mai thei bîk lo. Sakhaw nei lo hi lehlama a tlukpui chu a ni. Dawithiamte leh mitdawivaih thiamte an lo lang a. Kum 1980 vêl aţanga rin dân thar lo chhuak, damdawi chi danglam leh arsi aţanga hrilhfiyahna leh mitthi thlarau ringtute chu hmun tinah an lo piang chhuak a mit dawivaih thilte hralhin leh mitthi thlarau biak theihnate an din a, chhinchhiahna diklo leh thilmakte chu tam tak hmuh tûr a awm tawh a ni.

Hêng zawnz zawnzte hian khawvêl hian a tâwp lam a pan a, tûnah hian Mihring Fapa lo kalna hunah kan cheng a ni tih a tichiang a ni.

7-NA--CHAWHTHAWH KHAWVEL

Africa te, Middle East te Eastern Europe-te leh Far East-a ramte khawvêl hriat phâka mahni inhriat chhuahna an lo nei tâ hi eng nge a awmzia?

“Hnamte chu inchawk tho sela, Jehosafata kawr ruamah chuan lo kal chho rawh se; chutah chuan khawvêla hnam zawnz zawnz chungarorêl tûrin a thu dâwn a ni. An sual êm maia, buhseng angin ât ula, a khah hma chu a khûra Grep rah sawr angin rapsawr rawh u. Mi sâng tam takte chu Jehosaphat ruamah an awm khâwm ta; chutah chuan a ni LALPA nî a lo thlen dâwn.” Joela 3:12-14.

Tûnah chuan Asia leh Africa ramte hi an muhil an harh tawh a, an chak dânte hriain khawvêla an din hmun khawvêl hausakna chu an zawnz a. Europe chhaklam ramte chu an inchawk thova, Hmana Soviet Union-a ramte chuan dinhmun thar an rawn sual chhuak ve a. Middle East chhak lam ram, tuialhthei avânga nasa taka sum la lutte chuan an ropuina an tizau zêl a. Chikhat emaw, sakhaw hmunkhatin emaw te chuan mahnia ro in rêlna an nei a. Chung ram tharte chuanna map chu an chhut zawh rualin a dang lo awm thar lehte chuan an tihlui leh nghal mai thîn. Khawvêl history lo chhinchhiah tawh chinah chuan hnam lo dingthar tun hun lai ber kan tawng a ni phawt mai. Tichuan Lalpa lo kal lehna chu a hnai ta hle a ni.

8-NA--REMNA RUAHMANNATE LEH INDO BUATSAIHNATE.

Engvangin nge muanna hi nasa taka sawi sia indona lama kan in hman hle si?

“Indo thu leh indo thuthang in la hria ang; in mangan loh nân fimkhur rawh u; chung chu a lo thleng tûr reng a ni; nimahsela tâwpna chu a la ni rih lo vang. Hnam hrang leh hnam hrang an indo ang.” Matthaia 24:6, 7.

Kum zabi sâwmhnhih hma kha chuan indona hi khawvêl pum huap a ni ngai lova. Amaherawh chu tun kum zabi chhông hi chuan hnam tihtlâk tawh phawt hi chuan khawvêl inbeihna hi an zawm vek mai. Khawvêl indopui vawihnihna aţang kha chuan electric hmehna vawikhat han hmeh mai aţang pawha kan khawvêl hi bawlhhlawha chantîr vek thei thiamna hnuaiyah kan chêng ta tih kan hria. Chuvângin Pathianin “Lei tichhetute a tihchhiat” (Thupuan 11:18) tûr thu a sawi hi a mak love.

Khawvêl danglam takah kan cheng a ni. Mitin hian remna awm theih nân hun kan kian tûr a ni tih hi an pawm vek mai. Muanna chanchin kan sawi a, khawvêl pum huap inzawmna muanna thlenna tûra siamte chu kan uanpui a, chutichung chuan mitin mai hi hriam hrei nêna inbeihnaah kan tel vek si. Kum zabi tam tak aţanga lo hman tawh, hnathawk lova ţhu renga thuawih lohna te chu tûnah chuan a lang a pauva inbeihnaah a lo chang ta a. Ramri chung châng a inhniálnate chuan laipuia inkahna a thlen a. Tihţhaihtute chêtna chuan thlawhnaa run a chawh a, chu chuan chêtna dang a thlen leh ţhîn a ni. Zâwlnei Mika leh Joela-te chuan, hnamte chuan muanna an duhthu an sawi laiin (Mika 3:1-1) an dep ramte rinlohna chuan a rûka indo buatsaihna chawh tûr thu an lo sawi tawh a ni. (Joela 3:9-13).

Hmâsâng aţangin Bible chuan muanna leh indona kan buaipui thu sawiin, muanna kum hlun chu Isua lo kal hunah chauh leiah a thleng ang tih a sawi a ni.

9-NA--TUNLAI HMASAWNNA

Mihringte hi kum zabi tam tak an lo awm hnuin, thiamna sâng leh chu mi lama hmasawnna chu an nei ta thut em ni? Engtizia nge bungraw phurh tawna leh inbiakpawhna hian khawvêl hi nasa taka a inhnahtîr le?

“Tâwpna hunah chuan mi tam tak an vâk vêl ang a, hriatnate a pung dâwn a ni.” Daniela 12:4.

Krista lo kal lehna hnaihzia chhinchhiahna pariatte chu Kristiante hun tîr lam aţang khân an lo ţan a. Hêng chhinchhiahnate hian nasa taka, pung leh uâr telh telhin hun tâwp lam chu a pan a ni. Daniela hrilhlâwkna hian danglam bikna a nei a, chu chu kan hun chhûnga “hun tâwp” a tih hi a ni.



Hetah hian Daniela chuan a hrilhlâwkate hriatna pung tîr chu “hun tâwp (lam)” atân an ni a ti. He hrilhlâwknaa a thu hman hian tunlai computer hun pawh hi a huam tho a ni.

Tun hun reilote chhûng hian hriatna tinrêng mai hi kâwlphe anga rangin a pung a ni. Ziaktu pakhat chuan, “Kum sawmngâ chhûng hian thil thar tun hma kum sanghnih chhûng aian a thleng tam a ni,” a ti. Thil hmuhchhuah hun laia H.G. Wells leh Jules Verne tena an mangphan phâk loh thil thar sâng tam tak kan ti ta.

“Hriatna tipung tîrin mi tam tak an vak vêl ang.” Kum 1850 hma lam kha chuan mite chu hman aţanga an lo neih thîn, sakawr tawlailirin an zin thîn a. Tunah zet chuan ri lama kan inpawh lohna leh khawvêl zaunate chu kawng tinrênga tihbovin, Concorde thlawhna leh thlalem thlawhnaten kan zin ta a ni.

Zin vêlna pung leh tun hnai a thil hmuhchhuah tam

takte hian Daniela 12:4 famkimna an kawkin chu bakah hun hmawrah kan chêng tih hriatna min pe a ni.

10-NA--KHAWVEL ZAWNG ZAWNGAH CHANCHIN ƧHA

A lo kal hma lawkin Chanchin Ƨha chu khawvêl zawng zawngah hrih darh tur a nih thu Isuan a sawi lâwk a.

“He ram chanchin Ƨha hi hnam zawng zawng hriatfirna tûrin khawvêl zawng zawngah hrihlin a awm ang; chu mi zawhah chuan tâwpna chu a lo thleng ang.” Matthaia 24:14.

Hun kal tawhah khan Kristian hnathawhna ropui tak kan nei a. Amaherawh chu tun hnai maia thil thlengte hi chu dan rual loh an ni. Kum tamfe chhûng kha chu khawvêl chanve dâwn thâw chu khuahkhirha awm leh chanchin Ƨha aţanga khârkip an ni. Lalfirfiak (communist) leh Pathian ringlo rorêlna chuan Kristiante chu a Ƨhut bet tlat a.

Kum 1989 khân zân khat thil thu lekah, Europe chhaklam ramte chu communist thuneihna khirh tak aţang chuan an tal chhuak ta a ni. Lal firfiakte chuan an ram an tlan san a, police rûkte pawhin bihrûkna an zawng ta a ni. Berlin khawpui daidanna bang chu an tichim a, rin phâk rual lohvin Soviet Ramte chu kehdarhin, mipui rorêlna ramah a lo chang ta a ni. Chu veleh a ram zâtve chuan an ram chhûngah Chanchin Ƨha thu hrih an phal ta a ni.


Thlarau lama mite tuihalna nasa tak chawm tûra Chanchin Ƨha chak taka a luhna chuan Russia ramah thlarau lama danglamna Thar nasa tak a lo siam ta a ni. Chutiang tho chuan khawvêl hmun hrang hrangah pawh a thleng. Kum za tam tak chu Mosolman te hian Krista Chanchin Ƨha hi an ngaihsak lo va, tûnah chuan

Mosolman tam takte chu Krista lam hawiin a lo kal lehna chu beisei takin an nghâk a ni.

Chanchin Ṭha hi khawvêlah tun hma zawng aiin a darh zêl teh meuh mai. Tunlai thiamna thar hian tun maiah pawh, Kristian thuchah hi hnamtina mitin tih theih thuakte hnênah a thawn chhuah theih a ni. Chumi rual chuan ṭawng lehlin dân thar chuan thu thawn chhuahte chu an mahni ṭawng angin a hriattîr thei ta a ni. Isuan, “Chanchin Ṭha chu khawvêl zawng zawngah hrilh (darh) in a awm ang a, chumi hnuah tâwpna chu a lo thleng ang,” tia a sawi hunah khân kan cheng takzet a ni.

2. ENGTIA HMAIN NGE ISUA CHU A LO KAL ANG?

Keini chhuânah hêng chhinchhiah ropui tak tak sâwmte hi kan mithmuh lai ngeiin an thleng famkim tawhin an thlengkim zêl dâwn tih kan hmu a ni. A lokal leh hmâ lawka thil lo thleng tûrte hrilhfiahin, Isua chuan a thusawite chu heti hian a ti tâwp a.



“Tihtak meuhvin ka hrilh a che u, chung zawng zawng chu a thlen kim hma loh zawng, tunlai chhuan te hi an ral lo vang.” Matthaia 24:34.

He thu tâwpna hi a Chiang a. He hrilhlâwknaa chhinchhiahnaten an sawi chhuante hian Isua chu he leia a lo kîr leh chu an hmu ang. Sual leh tuarnate a tihbo vek hun tûr chu a hla tawh lo. Isua chu lo kalin a Chatuan lalram chu a rawn din tawh dâwn a ni.

Krista lo kal lehna nî chu tu chauhvin nge hria?

“Nimahsela chu mi nî leh a hun chu Pa chauh lo chuan tuman, vâna vântirhkohte pawhin, Fapa pawhin an hre lo.” Matthaia 24:36.

Fimkhur tûra eng zilhna nge Isuan min pêk?

“Chuvângin nangni pawh inring rengin awm rawh u, in rin loh hunah Mihring Fapa a lo kal dâwn si a.” Mathaia 24:44.

3. KRISTA, KHAWVEL BEISEINA AWM CHHUN .



Tunlaia mite chuan kan khawvêl hian hun khirh lam a pan a ni tih an hria. Thenkhat chuan harsa takin a lo danna an zawng a. Chutichung chuan, kan thil thiam thar zawng zawng te, ram hausak dân te, khawvêl ram hrang hrang inzawmkhâwmna zawng zawng te hi khawvêla harsatnate chuan a khuh zova. Awmzenei tawngkam leh mite tâna tha duhnate chu hnam bîk leh sakhuaa firfiakte awrâwl chuan a khuh thîn a ni.

Hetiang mite au rawl chung lamah hian, Isua chuan dam leh huaisen takin, “*Kawng ka ni. Ka lokal leh ang,*” tih a tiam (Châng 3). Krista chu a tâwpna, khawvêla kan beisei ropui ber amah chauh hi min tichhe thîntu sual, hmachhawn theitu chu a ni. Amah chu, thilthalo hneh theihna tûra chhandamna a tiam chhangtu zawng zawngte tâna chhanchhuahna pe tûrin Kalvariah a thi a ni.

“Thil tisualtu chu Diabola a chhuak a ni; Diabola chuan atîr ata thil a tisual si a. Pathian Fapa lo lan chhan ber chu diabola hnathawhte a tihboral theih nân a ni.” 1 Johana 3:8.

A taksa leh thisen chu hlanin kan

Chhandamtu chuan kan khawvêl kehchhe mêk kârah hian chhuahna kawng min siam a. Chu Isua vek chuan soal tiboralin khawvêla natna zawng zawngte chu engtik nîah emaw tidam tûr chuan tûnah hian i nuna soal awm chu tihreh sak a dil che a ni. Diklohna te, enghelhna te, leh tichhe zawng nungchang ațanga tlenfaina chu nei tûrin a lo kal lehna i nghah kher a țul lo. Tun maiah hian Isua chuan ama thlamuanna chu a pe duh che a ni.

Nula pakhat, Jean-i chu sakhua lama inkhâwmnaah a kal a, thu sawituin chanchin Țha a han sawi dân chuan mak tak hian a khawihin a inhria a. A lo kal leh thuaina hun chanchin a han ngaihthlâk chuan thil tinrêng mai hi a hmun țheuhvah an inrem vek ta mai a. Hei hian awmzia a nei riau mai. Jean-i chuan hmangaihna te, hlimna te leh muanna te chu a hmun dik lo ațangin a lo zawng țhîn a ni tih a hre ta a. Isua chu a thil zawnte chhâna chu a lo ni reng mai a ni.

A tûka Rawngbâwltu leh a hoten an va tlawh chuan, Jean-i chuan a nun hrehawm tak leh kehsawm tawh chanchin chu a lo sawi a. Zu ngawl vein a ei zawn nân nawhchi a lo zuar țhîn a. A harsatna zawng zawngte a han sawi zawh chuan, țap chungin, “Nizan khân ka thinlungah thu i sawi takzet a ni,” a ti ta a ni.

Chu aw, a thinlung a thusawitu chu Pathian aw a ni. Ngilnei takin thu chu a sawi a ni. Jeani pawhin a harsatna zawng zawng chu a hnênah a hnutchhiah a, Krista chu a thinlung a Lal leh chhandamtu atân a sâwm a, a lo kal leh thuai hun beiseiin nghet takin a awm ta a ni.

Chawlhkâr engnge maw hnuah, Jeani chuan a hlauhna tam tak leh him lova a inhriatna, zu ina tihreh a tum țhînte chu Krista nêna an inpawlna zârah a reh zo ta. A nunna tichhe țhîntu lak ațangin Isua chuan a la chhuak ta a ni.

Jean-i hian thil tam tak a ti a, mahse a chapopui

miah lo. Amaherawhchu Krista khawngaihna leh ngaihdamna chu a zahna aia chak zâwk an lo ni ta. Kraws lêra rûkru thil paltlang khân nasa takin a pui a. A hun tâwp hrehawm takah khân a sira ngawi reng a tuartu lam chu hawiin, "Isu, i ram i thlen hunah min hre reng ang che," a ti a nih kha (Luka 23:42).

Isua pawhin rang taka chhâng nghâlin, chu rûkru hnenah Paradis-ah a la awm ve tûr thu, kha mi nî khân a tiam a ni. (Châng 43).

Hmana Isua, Jeani leh rûkru thi mêk hnêna ngaihdamna petu khân tûnah hian duhsak takin chhandamna te, ngaihdamna famkim te leh rilrua thlamuanna a tiam che a, chu chu wawiin hian i tân ngei hmu chhuak ang che.

Rûkru thi mêk rual khân nang pawh "*Isu, i ram i thlen hunah mi hrereng ang che,*" tiin i tawngtai ve thei a ni. Chu chu Isua pawhin, "Ka lo kal leh ang a, nang pawh ka hnênah paradis-ah i la awm ve ang," tiin a chhâng ang che.

Kan Pa duhtak vâna mi; Isua a lokal leh thuai dâwn avângin lâwmthu ka hrilh a che. Tûnah hian, a lo kal lehna hnai tawh takah hian, ka thinlung duh ber chu i tâna nun hi a ni. Ka nitin nun atân hian i chakna ka mamawh a. Bible zirna leh tawngtainaa ka pâwlna che zârah, nitin Isua ang deuh deuh tûrin min pui ang che. Ka rinna zâra midangten Krista chanchin hriat an duh theih nân min pui ang che. Hêngte hi Kan Lal Isua hmingin ka dil e. Amen.

Published by Mizo Conference of Seventh-day Adventists,
Seventh-day Tlâng, P.O. Box 097, Aizâwl 796 001, Mizoram.